

**I – AKTI OPĆINSKOG VIJEĆA**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKO VIJEĆE



Broj: 01-05-128/15  
Datum: 31.03.2015. godine

Na osnovu člana 60. stav 1. Zakona o plaćama i naknadama u organima vlasti Federacije Bosne i Hercegovine («Službene novine Federacije BiH» broj 45/10 i 111/12) i člana 25. Statuta općine Zavidovići («Službeni glasnik općine Zavidovići» broj 5/2008 i 5/a/2008), Općinsko vijeće Zavidovići na svojoj 28. sjednici održanoj dana 31.03.2015. godine donijelo je

**ODLUKU**

o plaćama, dodacima na plaću i naknadama plaće  
zaposlenih u općinskom organu državne službe Općine Zavidovići

**I - OPĆE ODEREDBE****Član 1.**  
(predmet)

Ovom Odlukom utvrđuje se pravo općinskog načelnika, općinskog pravobranioca, zamjenika općinskog pravobranioca, savjetnika općinskog načelnika, državnih službenika i namještenika zaposlenih u općinskom organu državne službe Općine Zavidovići (u daljem tekstu: zaposleni Općine Zavidovići) na plaću, dodatke na plaću i naknade, njihovi koeficijenti i platni razredi, načela za utvrđivanje visine plaće, budžetsko osiguravanje sredstva za plaće, način utvrđivanja osnovice za obračun plaće, elementi za utvrđivanje osnovne plaće, plaće i naknade pripravnika i volontera.

**Član 2.**  
(načela za utvrđivanje visine plaće)

Pri određivanju iznosa plaća i naknada za zaposlene Općine Zavidovići poštivat će se sljedeća načela:

1. Ista plaća za isto radno mjesto: prema ovom načelu zaposleni Općine Zavidovići koji obavljaju poslove istog radnog mjesta odnosno iste ili slične poslove imaju pravo na istu osnovnu plaću po vrsti i stepenu stručne spreme;
2. Transparentnost: u skladu sa ovim načelom, prilikom raspisivanja javnih konkursa i oglasa za popunjavanje radnih mjesta obavezno se objavljuje podatak o pripadajućoj plaći za oglašena radna mjesta.

**Član 3.**  
(budžetsko osiguravanje sredstava za plaće i naknade)

Finansijska sredstva za plaće i naknade i druga primanja zaposlenih Općine Zavidovići propisana ovom Odlukom planiraju se i obezbjeđuju u Budžetu općine Zavidovići (u daljem tekstu Budžet Općine).

- 157 -

**Član 4.**

(način utvrđivanja osnovice za obračun plaće)

Općinski načelnik u dogovoru sa sindikatom će utvrditi osnovicu za obračun plaće zaposlenih Općine Zavidovići i ne može se utvrditi veća osnovica od osnovice utvrđene na federalnom nivou.

Osnovica za obračun plaće utvrđuje se prije donošenja Budžeta Općine za narednu godinu, a primjenjuje se od 01.01. za svaku narednu godinu, koja mora biti usklađena sa odredbama Zakona o budžetima Federacije Bosne i Hercegovine, odnosno usklađena sa raspoloživim sredstvima za ove namjene predviđene u Budžetu Općine.

Ukoliko općinski načelnik i sindikat ne dogovore visinu osnovice, ranije dogovorena osnovica ostaje na snazi do dogovora, a najduže 90 dana.

**Član 5.**

(elementi za utvrđivanje osnovne plaće)

Osnovna plaća zaposlenih Općine Zavidovići utvrđuje se množenjem osnovice za plaću iz člana 4. ove Odluke sa utvrđenim koeficijentom platnog razreda i tako utvrđeni iznos uvećava se za 0,5 % za svaku započetu godinu penzijskog staža zaposlenog Općine Zavidovići, a najviše do 20 %.

Osnovna plaća ne može biti manja od 70 % prosječne neto plaće isplaćene u Federaciji prema posljednjem objavljenom statističkom podatku.

U slučaju da množenjem utvrđene osnovice i pripadajućeg koeficijenta osnovna plaća iznosi manje od 70% prosječne plaće, zaposlenom će se isplatiti plaća u navedenom procentu.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Ukoliko zaposleni Općine Zavidovići radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.

Puno radno vrijeme zaposlenih Općine Zavidovići je 40 sati sedmično.

Zaposleni Općine Zavidovići koji su zasnovali radni odnos na određeno vrijeme sa punim radnim vremenom u skladu sa zakonom i drugim propisima, osnovna plaća određuje se kao i zaposlenom koji je zasnovao radni odnos na neodređeno vrijeme sa punim radnim vremenom.

**II – PLAĆE I NAKNADE OPĆINSKOG NAČELNIKA, SAVJETNIKA OPĆINSKOG NAČELNIKA, OPĆINSKOG PRAVOBRANIOCA I ZAMJENIKA OPĆINSKOG PRAVOBRANIOCA**

**Član 6.**

Općinski načelnik, savjetnik općinskog načelnika, općinski pravobranilac i zamjenik općinskog pravobranioaca imaju pravo na plaću koja odgovara njihovoj poziciji, odnosno radnom mjestu.

Osnovna plaća zaposlenih iz stava 1. ovog člana utvrđuje se prema članu 5. ove Odluke.

Plaća zaposlenih iz stava 1. ovog člana utvrđuje se u bruto i neto iznosu. Plaća u bruto iznosu obuhvata neto plaću, poreze i dorinose.

- 158 -

Član 7.

(vrijeme ostvarivanja prava na plaću)

Općinski načelnik pravo na plaću ostvaruje danom stupanja na dužnost.  
Savjetnik općinskog načelnika pravo na plaću ostvaruje danom postavljanja na radno mjesto.

Općinski pravobranilac i zamjenik općinskog pravobranioca pravo na plaću ostvaruje danom imenovanja na radno mjesto.

Član 8.

(platni razredi i koeficijenti)

Radna mjesta zaposlenih iz člana 6. stav 1. ove Odluke razvrstavaju se u 4 platna razreda i to:

Platni razred	Radno mjesto	Koeficijent
I platni razred	Općinski načelnik	10,00
II platni razred	Općinski pravobranilac	7,60
III platni razred	Zamjenik općinskog pravobranioca	7,00
IV platni razred	Savjetnik općinskog načelnika	6,40

Član 9.

(način obračuna i isplate plaće)

Plaća zaposlenih iz člana 6. stav 1. ove Odluke obračunava se za jedan mjesec unatrag, a isplaćuje se za prethodni mjesec u skladu sa Zakonom o radu i Odlukom o izvršenju Budžeta općine Zavidovići.

Plaću Općinskog načelnika iz stava 1. ovog člana utvrđuje se rješenjem koje donosi sekretar općinskog organa državne službe, a plaća općinskog pravobranioca, zamjenika općinskog pravobranioca i savjetnika općinskog načelnika utvrđuje se posebnim rješenjem nakon njihovog postavljenja na dužnost odnosno radno mjesto.

Rješenje, odnosno akt iz prethodnog stava ovog člana sadrži lične podatke zaposlenog iz člana 6. stav 1. ove Odluke, poziciju, odnosno radno mjesto na koje je postavljen, platni razred, pripadajući koeficijent i sve elemente koji su uzeti u obzir za utvrđivanje visine plaće.

Član 10.

(naknade)

Zaposleni iz člana 6. stav 1. ove Odluke imaju pravo na naknade i to:

1. Naknada plaće zbog bolesti ili povrede na radu,
2. Naknada za troškove ishrane (topli obrok),
3. Naknada za odvojen život od porodice i smještaj u mjestu rada,
4. Naknada za godišnji odmor i plaćeni dopust,
5. Naknada za slučaj smrti, teške bolesti i invalidnosti,
6. Otpremnina,
7. Naknada za troškove službeno putovanje.

Visinu i način ostvarivanja naknada iz stava 1. ovog člana utvrdit će Općinsko vijeće Zavidovići posebnom odlukom.

- 159 -

**III – PLAĆE, DODACI NA PLAĆU I NAKNADE DRŽAVNIH  
SLUŽBENIKA I NAMJEŠTENIKA OPĆINE ZAVIDOVIĆI****Član 11.**

(određivanje plaće prema radnom mjestu)

Državni službenik i namještenik zaposlen u općinskom organu državne službe Općine Zavidovići (u daljem tekstu: državni službenik i namještenik Općine Zavidovići) ima pravo na plaću koja odgovara radnom mjestu na koje državni službenik odnosno namještenik postavljen.

Plaća državnog službenika i namještenika iz stava 1. ovog člana utvrđuje se u bruto i neto iznosu. Plaća u bruto iznosu obuhvata neto plaću, poreze i dorinose.

**Član 12.**

(platni razredi i koeficijenti za državne službenike)

Radna mjesta državnih službenika Općine Zavidovići razvrstavaju se u VII platnih razreda i to:

Platni razred	Radno mjesto	Koeficijent
I platni razred	Sekretar općinskog organa državne službe i Sekretar Općinskog vijeća Zavidovići	6,50
II platni razred	Pomoćnik načelnika	6,20
III platni razred	Šef odsjeka ili odjeljenja	4,50
IV platni razred	Inspektor	4,30
V platni razred	Stručni savjetnik	4,10
VI platni razred	Viši stručni saradnik	3,90
VII platni razred	Stručni saradnik	3,70

**Član 13.**

(platni razredi i koeficijenti za namještenike)

Radna mjesta namještenika Općine Zavidovići razvrstavaju se u VII platnih razreda i to:

Platni razred	Radno mjesto	Koeficijent
I platni razred	Šef odjeljenja (VŠS)	3,20
II platni razred	Viši samostalni referent (VŠS)	3,10
III platni razred	Samostalni referent (VŠS)	3,00
IV platni razred	Šef odjeljenja (SSS)	2,80
V platni razred	Viši referent (SSS) i VKV radnik	2,70
VI platni razred	Referent (SSS) i KV radnik III i IV stepen	2,60
VII platni razred	Pomoćni radnik i nekvalificirani radnik (NK radnik)	1,85

**Član 14.**

(način obračuna i isplate plaće)

Plaća državnih službenika i namještenika Općine Zavidovići obračunava se za jedan mjesec unatrag, a isplaćuje se za prethodni mjesec u skladu sa Zakonom o radu i Odlukom o izvršenju Budžeta općine Zavidovići.

- 160 -

Plaća iz stava 1. ovog člana utvrđuje se rješenjem koje donosi općinski načelnik.

Rješenje sadrži lične podatke državnog službenika i namještenika Općine Zavidovići, poziciju, odnosno radno mjesto na koje je postavljen, platni razred, pripadajući koeficijent i sve elemente koji su uzeti u obzir za utvrđivanje visine plaće.

Podaci o plaćama državnih službenika i namještenika Općine Zavidovići su javni.

Sve izmjene u visini plaće vršit će se rješenjem kojeg donosi općinski načelnik.

#### Član 15.

(visina plaće za pripravnike)

Plaća pripravnika visoke, više i srednje stručne spreme zaposlenog u općinskom organu državne službe Općine Zavidovići utvrđuje se u iznosu, i to:

- 1) za visoku školsku spremu u iznosu od 80% od početne osnovne plaće utvrđene za radno mjesto stručnog saradnika;
- 2) za višu školsku spremu u iznosu od 80% od početne osnovne plaće utvrđene za radno mjesto samostalnog referenta;
- 3) za srednju stručnu spremu u iznosu od 80% od početne osnovne plaće utvrđene za radno mjesto referenta.

Početna osnovna plaća iz stava 1. ovog člana predstavlja samo iznos plaće bez dijela plaće po osnovu penzijskog staža.

#### Član 16.

(visina naknade za volontere)

Volonteri visoke, više i srednje stručne spreme angažovani u općinskom organu državne službe Općine Zavidovići imaju pravo na naknadu, i to:

- 1) za visoku školsku spremu u iznosu od 35% od početne osnovne plaće utvrđene za radno mjesto stručnog saradnika;
- 2) za višu školsku spremu u iznosu od 35% od početne osnovne plaće utvrđene za radno mjesto samostalnog referenta;
- 3) za srednju stručnu spremu u iznosu od 35% od početne osnovne plaće utvrđene za radno mjesto referenta.

Visina naknade iz stava 1. ovog člana određuje se od osnovne plaće odgovarajuće školske spreme.

#### Član 17.

(dodaci na plaću)

Državni službenici i namještenici Općine Zavidovići imaju pravo na dodatke na plaću i za:

- inspektore,
- vatrogasce,
- poslove koji se vrše pod posebnim uslovima određenim posebnim zakonom,
- naučni stepen magistra i doktora nauka.

Visinu i način ostvarivanja dodataka na plaću iz stava 1. ovog člana utvrdit će Općinsko vijeće Zavidovići posebnom Odlukom.

#### Član 18.

(naknade)

Državni službenici i namještenici Općine Zavidovići imaju pravo na naknade i to:

- 161 -

- naknada za prekovremeni rad, rad u neradne dane, noćni rad i rad u državne praznike,
- plaćeni dopust,
- naknada za ishranu tokom rada,
- regres za godišnji odmor,
- naknada za bolovanje,
- naknada za porodiljski dopust,
- naknada za službeno putovanje,
- naknada za prevoz na posao i sa posla,
- naknada za odvojen život od porodice i smještaj u mjestu rada,
- naknada za slučaj povrede na radu, teške bolesti i invalidnosti,
- naknada za slučaj smrti i pravo na osiguranje od posljedica nesretnog slučaja,
- otpremnina,
- naknada za slučaj prekobrojnosti i
- naknada za rad u komisijama

Visinu i način ostvarivanja naknada iz stava 1. ovog člana utvrdit će Općinsko vijeće Zavidovići posebnom odlukom.

#### IV – PRELAZNE I ZAVRŠNE ODREDBE

##### Član 19.

(primjena na državne službenike i namještenike  
u Općinskom pravobranilaštvu Zavidovići)

Odredbe ove Odluke primjenjuju se i na državne službenike i namještenike zaposlene i raspoređene na radna mjesta u Općinskom pravobranilaštvu Zavidovići.

##### Član 20.

(primjena drugih propisa)

Na pitanja koja nisu regulisana ovom Odlukom shodno se primjenjuju odredbe Zakona o radu («Službene novine Federacije BiH» broj 43/99, 32/00, i 29/03), Zakona o plaćama i naknadama u organima vlasti Federacije Bosne i Hercegovine («Službene novine Federacije BiH» broj 45/10 i 111/12), Zakona o pravobranilaštvu («Službene novine ZDK» broj 12/13) i Zakona o izboru, prestanku mandata, opozivu i zamjeni načelnika općina u Federaciji BiH («Službene novine Federacije BiH» 19/08) koje regulišu ovu oblast.

##### Član 21.

(započeti postupci)

Postupci za ostvarivnje prava koji su započeti do stupanja na snagu ove Odluke okončat će se primjenom odredbama propisa iz člana 23. ove Odluke.

##### Član 22.

(donošenje odluke)

U roku 30 dana od dana stupanja na snagu ove Odluke, Općinsko vijeće Zavidovići će donijeti Odluku o visini i načinu ostvarivanja prava na naknade i dodatke na plaću zaposlenih u općinskom organu državne službe Općine iz člana 10., 17. i 18. ove Odluke.

- 162 -

Član 23.

(prestanak važenja propisa)

Stupanjem na snagu ove Odluke prestaje da važi Pravilnik o plaćama i naknadama plaće državnih službenika i namještenika u jedinstvenom Općinskom organu uprave i posebnih službi i drugim organima Općine Zavidovići («Službeni glasnik općine Zavidovići broj 10/2005»), Odluka o utvrđivanju privremenih platnih razreda i koeficijenata za plaće rukovodećih i ostalih državnih službenika i namještenika u jedinstvenom Općinskom organu uprave i posebnim službama, i drugim organima Općine Zavidovići («Službeni glasnik Općine Zavidovići» broj 11/2005, 3/2006 i 12/2006), Odluka o plaćama i naknadama plaće Općinskog načelnika općine Zavidovići («Službeni glasnik općine Zavidovići», broj 9/2005 i 2/2006) i Odluka o plaćama i naknadama plaće Općinskog pravobranioca općine Zavidovići («Službeni glasnik općine Zavidovići» broj 9/2005, 2/2006, 12/2007 i 2/2012).

Član 24.

(stupanje na snagu)

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići» i primjenjivat će se od 01.04.2015. godine.

**PREDSJEDAVAJUĆI  
OPĆINSKOG VIJEĆA**

(M.P.) Hadžić dr Amira, spec. radiolog, s.r.